

國性温平無毒主頭面遊風遍身痺瘡汁
淋藤陶朱術云五月五日採諸山野佳
亦有之

羊不喫 味苦辛温無毒主一切風血補益
攻諸病瘡之亦浸酒生蜀川山谷葉細長在
諸草中羊不喫者是

仙人草 主小兒酢瘡瘡湯浴亦搗傳之酢瘡
頭小大硬小者此瘡或有不因藥而自差者
當丹毒入腹必危可預飲冷藥以防之兼用
此草洗瘡亦明目去膚腎按汁滴目中生階
庭間高二三寸葉細有腐齒似離高草北地
不生也

千里及 味苦平小毒主天下疫氣結黃瘡瘡
蠱毒黃服之吐下亦搗傳瘡蟲蛇犬等咬處
藤生道旁籬落間有之葉細厚宜湖間有之

代蕒 味甘温無毒主一切風血氣羸弱令人
性健久服風緩及偏風並正生山南峽中葉
似枸杞根如葛黑色也

甜龍 味甘寒無毒去熱煩解毒調中氣令人
肥健又主剝馬血毒入肉狂犬牛馬熱黃瘡

絞取汁和米粉作糗餅食之甜美止淺瘡
汁傳蛇咬瘡生江南山林下蔓如葛又有小
葉尖長氣辛臭搗傳小兒腹除痞滿悶癖
地楊梅 味辛平無毒主赤白痢取莖子煎服
生江東温濕地四五月有子似楊梅苗如莖
草也

天竺鼠 味辛温無毒主冷氣寒中宿食不
消腹脹下痢腰背疼痲痺氣塊惡血積聚生
婆羅門國似薑小黃一名胡乾薑
圖經衍義本草卷之九

圖經衍義本草卷之十

宋通直郎辨驗藥材寇宗奭編撰
宋太醫助教辨驗藥材許洪校正


草部上品之下

芎藭

宋 康 單



風 國 角



芎藭 味辛温無毒主中風入腦頭痛寒痺筋
學緩急全瘡婦人血閉無子除腦中冷動面
上遊風去來目淚出多涕唾忽忽如醉諸寒
冷氣心腹堅痛中惡卒急腫痛骨風痛温中
內寒一名胡藟一名香果其葉名蘆蕪生武
功川谷斜谷西嶺三月四月採根暴乾白芷

為之使畏黃蓮

圖經云蘼蕪芎藭苗也生雍州川澤及宛
甸今關陝蜀川江東山中多有之而以蜀
川者為勝江東蜀川人採其葉作飲香關
中出者俗呼為京芎並通用雀腦狀者謂

之雀腦芎此最有力也○山芎藭能去痺
濕風氣○簡文帝勸醫文曰麥麴芎藭終
止河魚之腹

藥性論云芎藭臣能治腰脚軟弱半身不
遂主胞衣不生治腹內冷痛

陶隱居云今惟出歷陽節大莖細狀如馬
銜謂之馬銜芎藭蜀中亦有而細人患齒
根血出者舍之多差苗名蘼蕪亦入藥別
在下說俗方多用

唐本注云今出秦州其人間種者形塊大

重實多脂潤山中採者瘦細味苦辛以九
月十月採為佳歷陽出者今不復用

日華子云治一切風一切氣一切勞損二
切血補五勞壯筋骨調衰脉破癥結宿血
養新血長肉鼻洪吐血及瀉血痔瘻腦癰

發背癰癭癰贅瘡疥及排膿消瘀血
禹錫云按蜀本圖經云苗似芹胡荽蛇牀
輩叢生花白今出秦州者為善九月採根
乃佳


千金方治崩中晝夜不止芎藭八兩清酒
五升煎取二升半分三服不耐者徐徐進
之○又方治胎忽因倒地忽舉動擊重促
損腹中不安及子死腹中以芎藭末酒服
方寸匙須臾一二服出

經驗後方治頭風化痰川芎不計分兩川
淨水洗浸薄切片子日乾成焙杵為末煉
蜜為丸如彈子大不拘時茶酒嚼下一丸
靈死方治婦人經絡住經三箇月驗胎法
川芎生為末空心濃煎艾湯下一匙頭腹
內微動者是有胎也

斗門方治偏頭痛用京芎細剉酒浸服之
差
衍義曰芎藭今出川中大塊其裏色白不
油色嚼之微辛甘者佳他種不入藥止可
為末煎湯沐浴此藥今人所用最多頭面

風不可闕也然須以他藥佐之沈括云子
一簇子舊服芎藭醫鄭叔熊見之云芎藭
不可久服多令人暴死後簇子果無疾而
卒又朝士張子通之妻病腦風服芎藭甚
久亦一旦暴亡皆目見者此蓋單服耳若
單服既久則走散其氣既使他藥佐使又
不久服中病便已則致使能至此也

黃蓮



味苦寒微寒供毒主熱氣目痛皆傷此

出明目腸澀腹痛下痢婦人陰中腫痛五藏
冷熱久下洩澀膿血止煩渴大驚除水利骨
調胃厚腸益膽療口瘡久服令人不忘一名
王蓮生巫陽川谷及蜀郡太山二月八月採
黃芩龍骨理石為之使惡菊花羌花玄參白

鮮畏欵冬勝烏頭解巴豆毒

圖經云今江湖荆楚州郡亦有而以宣城者為勝施黔者次之苗高一尺已來葉似甘菊四月開花黃色六月結實似芹子色亦黃二月八月採根用古方以黃蓮為治痢之最胡洽方載九蓋湯主下痢不問冷熱赤白穀帶休息久下悉主之以黃蓮長三寸三十枚秤重一兩半龍骨如碁子四枚重四分用子大者一枚乾姜一兩半膠一兩半並切先以水五合著銅器中去火三寸煎沸便下著生七上沸止又上水五合如此九上九下內諸藥著火上沸輒下著上上沸止又復九上九下度可得一升頓服即止又香蓮丸亦主下痢近世盛行其法以宣蓮青木香分兩俾同搗篩白蜜丸如梧子空腹飲下三十九日再如神其久冷人即用煨熱大蒜作丸此方本出李絳兵部手集方嬰孺用之亦效又治目方用黃蓮多矣

藥性論云黃蓮臣一名支蓮耳白養蠶忌

猪肉惡冷水殺小兒疳蟲點赤眼昏痛錯肝去熱毒

陶隱居云平陽在建康今而間者色淺而虛不及東陽新安諸現敢勝臨海諸縣者不佳用之當布裏接云毛令如連珠俗方多療下痢及渴道方服食長生唐本注云蜀道者分大節平味極濃苦療渴為最江東者節如連珠療痢大善今澧州者更勝今注醫家見用宣州九節堅重相繫有聲者為勝

劉禹錫云有崔承元者因官治一死罪囚出囚之囚後數年以病自致死一旦崔為內障所苦喪明逾年後半夜歎息獨坐時聞階際聞蟋蟀之聲崔問為誰曰是若所蒙活者囚今故報恩至此遂以此方告訖而沒崔依此合服不數月眼復明因傳此方於世羊肝丸黃蓮末一大兩白羊子肝一具去膜同於沙盆內研令極細衆手搥為丸如梧桐子每食以煖漿水吞二七枚連作五劑差但是諸眼目疾及障翳者皆

皆主之禁食猪肉及冷水

抱朴子云乳汁煎之治目中百病外臺秘要治卒心痛黃蓮八兩一味呖咀水七升煮取五升絞去滓寒溫飲五合日三服

千金方治大熱毒純血痢宣蓮六兩以水七升煮取三升半夜露星月下平旦空腹頓服之

肘後方治眼淚出不止濃汁漬綿乾拭目又方赤痢熱下久不止黃蓮末雞子白丸飲服十九三十九丸即差○又方治卒消渴小便多搗黃連縮篩蜜和服三十九丸治渴延年

經驗方治暴赤白痢如鵝鴨肝者痛不可忍黃連黃芩各一兩以水二升煎取一升分三服熱喫冷即凝矣

梅師方傷寒病發豌豆瘡未成膿方黃連四兩水三升煎取一升去滓分服

斗門方治痔疾有頭如雞冠者用黃連末傅之即差更加赤小豆末尤良

簡要濟眾方小兒吐血不止以一兩去鬚

搥碎為散每服一錢水七分入豉二十粒

同煎至五分去滓溫服量兒大小加減進

廣利方治骨節熱精漸黃瘦黃連四分碎

切以童子小便用大合浸經宿微煎三四

沸去滓食上分兩服如人行四五里再服

杜壬方治氣痢瀉裏急後重神妙方宜連

一兩乾姜半兩各為末每用連二錢姜半

錢和勻空心溫酒下

子母祕錄方小兒赤白痢多時體弱不堪

宣連濃煎和蜜服日六七服量其大小每

煎三分水減二分頓服○又方治兒耳後

月蝕瘡黃連末傳之○又方小兒鼻下兩

道赤者名曰醫亦名赤鼻疳鼻以米泔洗

傳黃連末日三四度佳

衍義曰黃連今人多用治痢蓋熱以苦燥

之義下但見腸虛滲泄微似有血便即

用之更不知止又不顧寒熱多少但以盡

劑為度由是多致危困若氣實初病熱多

血痢服之便血乃不必盡劑也或虛而冷

則不須服餘如虛

蒺藜子

同

秦



蒺藜子

味苦辛溫微寒無毒主惡血破癥結

積聚喉痺乳難身體風痺頭痛欬逆傷肺肺

痿止煩下氣小兒頭瘡癰腫陰瘡可作摩粉

其葉主風痺可煮以浴久服長肌肉明目輕

身一名旁道一名屈人一名止行一名豺羽

一名升推一名即藥一名茨生馮翊平澤或

道傍七月八月採實暴乾為頭為之使

圖經曰蒺藜子生馮翊平澤或道傍七月

八月採實暴乾又冬採黃白色類軍家鐵

蒺藜此詩謂牆有茨者郭璞注爾雅云布

地蔓生細葉子有三角刺人是也古方云

蒺藜子皆用刺者治風明目最良神仙方

亦有單餌蒺藜云不問黑白但取堅實者

春去刺用兼主痔漏及婦人發乳帶下

藥性論云白蒺藜子君味甘有小毒治諸

風癰傷破宿血瘰癧主難產去燥熱不

入湯用

陶隱居云多生道上而葉布地子有刺狀

如菱而小長安最饒人行多著木屐今軍

家乃鑄鐵作之以布敵路亦呼蒺藜易云

據于蒺藜言其凶傷今按別本注云本經

云溫別錄云寒此藥性宜通久服不冷而

無壅熱則其溫也

日華子云治賁狹腎氣肺氣腎膈滿催生

并墮胎益精療腫毒及水藏冷小便多止

遺瀝泄精溺血入藥不計丸散並炒去刺

用

雷公云凡使採得後淨揀擇了蒸從午至

酉出日乾於木臼中春令皮上刺盡用酒

拌再蒸從午至酉出日乾用

神仙祕旨云服蒺藜子一碩當七八月熟時收日乾春去刺然後杵為末每服二錢新汲水調下日三服勿令中絕斷穀長生服之一年已後冬不寒夏不熱服之二年老若復少髮白復黑齒落重生服之三年身輕長生

外臺祕要方補肝散治三十年失明蒺藜子七月七日收陰乾搗散食後水服方寸七○又方治蛇蟲攻心如刺吐清汁七月七日採蒺藜子陰乾作灰先食服方寸七

日三服○又方治一切丁腫蒺藜子一升作灰以醃醋和封頭上如破塗之佳

千金方治遍身風痒生瘡疥以蒺藜子苗煮湯洗之立差千金翼方同


梅師方治難產礙胎在腹中如已見兒并胞衣不出胎死蒺藜子貝母各四兩為末米湯下一匙相去四五里不下再服

衍義曰蒺藜有兩等一等杜蒺藜即今之道傍布地而生或生牆上有小黃花結芒刺此正是牆有茨者花收摘陰乾為末每

服三二錢飯後以溫酒調服治白癩風又一種白蒺藜出同州沙苑牧馬處黃紫花作莢結子如羊內腎補腎藥今人多用風家惟用刺蒺藜

黃耆

州。葛



味甘微溫無毒主癰疽久敗瘡排膿止痛大風癩疾五疔鼠瘻補虛小兒百病婦人子藏風邪氣逐五藏間惡血補丈夫虛損五勞羸瘦止渴腹痛泄痢益氣利陰氣生白水者冷補其莖葉療渴及筋攣癰腫疔瘡一名戴椹一名戴椹一名獨椹一名芟草一名蜀脂一名百本生蜀郡山谷白水漢中二月十月採陰乾忌龜甲

圖經云今河東陝西州郡多有之根長二三寸已來獨莖作叢生枝幹去地二三寸

其葉扶疎作羊齒狀又如蒺藜苗七月中開黃紫花其實作莢子長寸許八月中採根用其皮折之如綿謂之綿黃耆本耆不通用唐許喬言初仕陳為新蔡王外兵參軍時太后感風不能言脉沉而口噤喬宗

曰既不能下藥宜湯氣熏之藥入膝理周時可差乃造黃耆防風湯數斛置於林下氣如煙霧其夕便得語藥力熏蒸其效如此因附著之使善醫者知所取法焉

藥性論云黃耆一名王孫治發背內補主虛喘腎衰耳聾瘰癧寒熱生隴西者下補五藏蜀白水赤皮者微寒此治客熱用之陶隱居云第一出隴西叨陽色黃白甜美今亦難得

唐本註云葉似羊齒或如蒺藜獨莖或作叢生今出原州及華原者最良蜀漢不復採用

日華子云黃耆惡白鮮皮助氣壯筋骨長肉補血破癥癖瘰癧瘻瘻腸風血崩帶下赤白痢產前後一切病月候不勻消渴痰

嗽并治頭風熱毒赤目等藥中補益呼為羊肉○又云白水煮涼無毒排膿治血及煩悶熱毒骨蒸勞功次黃耆赤水者涼無毒治血退熱毒餘功用並同上木耆涼無毒治煩排膿力微於黃耆過關即焙乾之別說云謹按黃耆本出綿上為良故名綿黃耆今圖經所繪憲水者即綿上地相鄰爾若以謂柔韌如綿即謂之綿黃耆然黃耆本皆柔韌若偽者但以乾脆為別爾聖惠方治肺壅得吐以黃耆二兩杵為細末每服三錢水一盞煎至六分溫服日三四服

梅師方補肺排膿以黃耆六兩剉碎以水三升煎取一升去滓服

孫用和方治腸風瀉血黃耆黃連等分右為末麩糊丸如綠豆大每服三十九米飲下

席延賞方治虛中有熱欬嗽膿血口舌咽乾又不可服涼藥好黃耆四兩甘草一兩為末每服三錢如茶點羹粥中亦可服

肉苁蓉



肉苁蓉

味甘酸鹹微溫無毒主五勞七傷補

中除莖中寒熱痛養五藏強陰益精氣多子

婦人癥瘕除膀胱邪氣腰痛止痢久服輕身

生河西山谷及代郡鴈門五月五日採陰乾

圖經曰舊說是野馬遺山落地所生今西

人云大木門及上正垣中多生此非遊牡

之所而乃有者則知自有種類耳或疑其

初生於馬瀝後乃滋殖如蒿根生於人血

之類是也草苁蓉性溫補男子疑即是此

物今人鮮用故少有辨之者因附見於此

藥性論云肉苁蓉臣益髓悅顏色延年治

女人血崩壯陽日御過倍大補益主赤白

下補精敗面黑勞傷用苁蓉四兩水煮令

爛薄切細研精羊肉分為四度五味以米

煮粥空心服之

陶隱居云代郡鴈門屬并州多馬處便有言是野馬精落地所生時似肉以作羊肉羹補虛乏及佳亦可生噉苜蓿河南間至多今第一出隴西形扁廣柔潤多花而味甘次出此國者形短而少花巴東建平間亦有而不如也以陳藏器序云強筋健髓苁蓉鮮魚為末黃精酒丸服之力可十倍此說出乾寧記

唐本注云此注論草苁蓉陶未見肉者今人所用亦草苁蓉刮去花用代肉爾本經有肉苁蓉功力味勝此來醫人時有用者

日華子云治男陽不興女陰不產潤五藏長肌肉暖腰膝男子泄精尿血遺瀝帶下陰痛

雷公云凡使先須用清酒浸一宿至明以棕刷刷去砂土浮甲盡劈破中心去白膜一重如竹絲草樣是此偏隔人心前氣不散令人上氣不出凡使用先須酒浸并刷草了却蒸從午至酉出又用酥炙得所

禹錫云按蜀本圖經云出肅州祿福縣沙

中三月四月掘根切取中央好者三四寸
編穿陰乾八月始好皮如松子鱗甲根長
尺餘

據本草云即是野馬精餘瀝結成採訪人
方知勃落樹下并土壟上此即非馬交之
處陶說誤耳又有花從蓉即是春抽苗者
力較微耳

衍義曰肉從蓉圖經以謂皮如松子有鱗
子字當為殼於義為允又曰以酒淨洗去
黑汁作羹黑汁既去氣味皆盡然嫩者方
可作羹老者苦入藥少則不效

防風

河中府



齊州



同州



防風味甘辛溫無毒主大風頭眩痛惡風

邪目盲無所見風行周身骨節疼痛癩癧腦
痛脇風頭面去來四肢攣急字乳金瘡內莖
久服輕身葉主中風熱汗出一名銅芸一名
苗草一名百枝一名屏風一名簡根一名百
莖生沙苑川澤及邯鄲琅邪上蔡二月十月
採根暴乾得澤瀉薑朮療風得當歸芍藥陽
起石禹餘糧療婦人子藏風殺附子毒惡乾
萎藜蘆白欬芫花
圖經云今京東淮浙州郡皆有之根上黃
色與蜀葵根相類莖葉俱青綠色莖深而
葉淡似青蒿而短小初時嫩紫作菜茹極
美口五月開細白花中心攢聚作大房似
時蘿花實似胡荽而大二月十月採根暴
乾關中生者三月六月採然輕虛不及齊
州者良又有石防風出河中府根如蒿根

而黃葉青花白五月開花六月採根暴乾
亦療頭風眩痛

藥性論云防風臣花主心腹痛四肢拘急
行履不得經脈虛羸主骨節間疼痛段成
式酉陽雜俎云青州防風子可亂華撥


陶隱居云郡縣無名沙苑今第一出彭城
蘭陵即近瑯琊者壽州互市亦得之次出
襄陽義陽縣界亦可用即近上蔡者惟實
而脂潤頭節堅如蚯蚓頭者為好俗用瘰
風最要道方時用

唐本注云今出齊州龍山最善淄州兗州
青州者亦佳葉似牡蒿附子苗等別錄云
又頭者令人發狂又尾者發癩疾陶云無
沙苑誤矣襄陽義陽上蔡元無防風陶乃
妄注爾

日華子云治三十六般風男子一切勞劣
補中益神風赤眼止淚及癱緩通利五藏
關脈五勞七傷虛損盜汗心煩體重能安
神定思勻氣脈
經驗後方治破傷風防風天南星等分為

末每服二三匙童子小便五升煎至四升服愈即止○又方治崩中防風去蘆頭炙赤色為末每服二錢以麩糊酒調下更以麩糊酒投之

蒲黃



味甘平無毒主心腹膀胱寒熱利小便止血消瘀血久服輕身益氣力延年神仙生河東池澤四月採

圖經曰蒲黃生河東池澤香蒲蒲黃苗也生南海池澤今處處有之而太山者為良春初生嫩葉未出水時紅白色茸茸然至夏抽梗於叢葉中花抱梗端如武士捧杵故俚俗謂蒲梗亦謂之蒲釐花黃即花中藥屑也細若金粉當其欲開時有便取之市廛間亦採以蜜搜作果食貨賣甚益小兒醫家又取其粉下篩後有赤滓謂之蒲

蕒入藥以滋腸止洩殊勝

陶隱居云此即蒲釐花上黃粉也伺其有便拂取之甚療血仙經亦用此

日華子云蒲黃治撲損血悶排膿瘡癩婦人帶下月候不勻血氣心腹痛妊孕人下

血墜胎血運血癥兒枕急痛小便不通腸

風瀉血遊風腫毒鼻洪吐血下乳止泄精

血痢此即是蒲上黃花入藥破血消腫即

生使補血止血即炒用蒲黃篩下後有赤

滓名為蕒炒用甚滋腸止瀉血血痢

雷公云凡使勿用松黃并黃蒿其二件全

似只是味阻及吐人凡欲使蒲黃須隔三

重紙焙令色黃蒸平日却焙令乾用之妙

禹錫云按藥性論云蒲黃君通經脉止女

子崩中不住主痢血止鼻衄治尿血利水

道

千金方治臉舌上生瘡涎出以蒲黃傳

之差○又方治丈夫陰下濕痒蒲黃末傳

之良

肘後方治腸痔每大便常血水服蒲黃方

寸七日三服良

葛氏方忍小便久致胞轉以蒲黃裹腰腎

令頭致地三度通

梅師方治產後血不下蒲黃三雨水三升

煎取一升頭服

簡要濟眾方治吐血唾血蒲黃一兩搗為

散每服三錢温酒或冷水調妙

塞上方治鼠妳痔蒲黃末空心温酒下方

寸七日三服○又方治墜傷撲損瘀血在

內煩悶蒲黃末空心熱酒調下三錢七服

催生蒲黃地龍陳橘皮等分地龍洗去土

於新瓦上焙令微黃各為末三處貼如經

日不產各炒一錢七新汲水調服立產此

常親用之甚妙

衍義曰蒲黃處處有即蒲梗中黃粉也今

京師謂槌為蒲棒初得細羅取蕒別貯以

備他用將蒲黃水調為膏壁為塊人多食

之以解心藏虛熱小兒尤嗜涉月則燥色

味皆淡須蜜水和然不可多食令人自利

不益極虛人

香蒲

徐州



味甘平無毒主五藏心下邪氣口中爛臭堅齒明目聰耳久服輕身耐老一名睢一名醜生南海池澤

圖經曰文具蒲黃條下

陶隱居云方藥不復用俗人無採彼土人

亦不復識昔江南貢菁茅一名香茅以供

宗廟縮酒或云是薰草又云是鸞麥此蒲

亦相類耳

唐本註云此即甘蒲作薦者春初生用白

為菹亦堪蒸食山南名此蒲為香蒲謂昌

蒲為臭蒲陶隱菁茅乃三脊茅也其鸞麥

薰草香茅野俗皆識都不為類此並非例

也蒲黃即此香蒲花是也

續斷

晉州



越州



味苦辛微溫無毒主傷寒補不足金瘡

癰傷折跌續筋骨婦人乳難崩中漏血金瘡

血內漏止痛生肌肉及跌傷惡血腰痛開節

緩急久服益氣力一名龍豆一名屬折一名

接骨一名南草一名槐生常山山谷七月八

採陰乾地黃為之使惡雷丸

圖經曰續斷生常山山谷今陝西河中興

元有寄越晉州亦有之三月已後生苗幹

四稜似苧麻葉亦類之兩兩相對而生四

月開花紅白顏色似益母花根如大薊赤

黃色七月八月採市人貨者亦有數種少

能辨其蘊良醫人用之但以節節斷皮黃

皺者為真

藥性論云續斷君主絕傷去諸溫毒能通

宜經脈

陶隱居云按桐君藥錄云續斷生蔓莖葉

細莖如荏大根本黃白有汁七月八月採

根今皆用莖葉節斷皮黃皺狀如雜神

者又呼為桑上寄生恐皆非真

唐本註云此藥所在山谷皆有今俗用者

是葉似苧而莖方根如大薊黃白色陶注

者非

日華子云助氣調血脈補五勞七傷破癥

結瘀血消腫毒腸風痔瘻乳癰瘰癧撲損

婦人產前後一切病面黃虛腫縮小便止

泄精尿血胎漏子宮冷又名大薊山牛蒡

也

雷公云凡使勿用草茅根緣真似續斷若

誤用服之令人筋軟採得後橫切剉之又

去向裏硬筋了用酒浸一伏時焙乾用

外臺秘要方治淋取生續斷絞取汁服之

馬薊根是

子母祕錄方治產後心悶手足煩熱厥厥氣欲絕血暈心頭硬乍寒乍熱增寒忍不禁續斷皮握到以水三升煎取一升分三服温服如人行二三里再服無所忌此藥救產後垂死

漏蘆


三十一



州 卑



州 太



州 海

漏蘆味苦鹹寒大寒無毒主皮膚熱惡瘡疽

痔濕痺下乳汁止遺溺熱氣瘡癢如麻豆可作浴湯久服輕身益氣耳目聰明不老延年一名野蘭生喬山山谷八月採根陰乾

圖經曰秦州海州所謂漏蘆者花葉及根頗相近然彼人但謂之漏蘆本醫家罕有用飛廉者既未的識故不復分別但附其說於下

陶隱居云喬山應是黃帝所葬處乃在上郡今出近道亦有療諸瘡疥此久服甚益人而服食方罕用之今市人皆取苗用之

俗中取根名鹿驪根苦酒摩以療瘡疥唐本注云此藥俗名莢蒿莖葉似白蒿花黃生莢長以細麻如筋許有四五瓣七月八月後皆黑異於衆草蒿之類也

日華子云連翹為使治小兒壯熱通小腸

泄精尿血風赤眼乳癰發背癰癰腸風排

膿補血治撲損續筋骨傳金瘡止血長肉

通經腓花苗並同用俗呼為鬼油麻形并氣味似乾牛蒡頭上有白花子雷公云凡使勿用獨漏蘆似漏蘆只是味

苦酸誤服令人吐不止須細驗夫使漏蘆細到拌生甘草相對從已至申去甘草淨揀用

禹錫云按蜀本圖經云葉似角蒿今曹充州下濕地最多六月七月採莖日乾之黑於衆草

聖惠方治小兒無辜疳肚脹或時瀉痢冷熱不調以漏蘆一兩杵為散每服以豬肝一兩散子一錢七鹽少許以水煮熟空心頓服

外臺祕要方治蚊蟲漏蘆杵以餅羅和方寸七服之

藍實

州 馬 福

州 陵 江



藍味苦寒無毒主解諸毒殺蠱蚊音其小兒鬼也症鬼螫毒久服頭不白輕身其葉汁殺百藥毒解狼毒射罔毒其莖葉可以染青生河內平澤

圖經曰藍實生河內平澤今處處有之人家蔬園中作畦種蒔三月四月生苗高三二尺許葉似水蓼花紅白色實亦若蓼子而大黑色五月六月採實按藍有數種有木藍出嶺南不入藥有草藍可以爲澱者亦名馬藍爾雅所謂葳馬藍是也有蓼藍但可染碧而不堪作澱即醫方所用也禹錫云治蟲毒傷咬取大藍汁一椀入雄黃麝香二物隨意多少細研投藍汁中以點咬處若是毒者即并細服其汁神異之極也

張薦云昔在劔南爲張延賞判官忽被班蜘蛛咬項上一宿咬處有三道赤色細如箸繞項上從背前下至心經兩宿頭面腫疼如數升益大肚漸腫幾至不救張相素重薦因出家財五百千并薦家財又數百

千幕能療者忽一人應召云可治張相初甚不信欲驗其方遂令目前合藥其人云不惜方當療人性命耳遂取大藍汁一甕猛取蜘蛛投之藍汁良久方出得汁中甚困不能動又別擣藍汁加麝香未更取蜘蛛投之至汁而死又更取藍汁麝香復加雄黃和之更取一蜘蛛投汁中隨化爲水張相及諸人甚異之遂令點於咬處兩日內悉平愈但咬處作小瘡如舊如舊廣五行記曰永徽中絳州僧病噎不下食告弟子吾死之後便可開吾背喉視有何物致終而卒弟子依言而開視背中得一物形似魚而有兩頭遍體是肉鱗弟子致器中跳躍不止致以諸味皆隨化盡時夏中藍盛作澱有一僧以澱致器中此蟲遂連器中走須臾化爲水矣聖惠方治時氣熱毒心神煩躁用藍澱半大匙以新汲水一盞服○又方治小兒中蠱下血欲死擣青藍汁頻服半合千金方治脣上生瘡連年不差以八月藍

葉一斤擣取汁洗不過三日差又方治自經死以藍汁灌之又極須安定其心徐緩解慎勿割斷繩把取心下猶溫者刺雞冠血滴著口中即活也男雌女用雄梅師方治虎傷人瘡取青布緊捲作纏燒一頭內竹筒中射瘡口今煙薰入瘡中佳子母祕錄方治小兒赤痢擣青藍汁二升分四服又方治小兒丹藍澱傳熱即安衍義曰藍實即大藍實也謂之蓼藍非是爾雅所說是解諸藥等毒不可闕也實與葉兩用注不解實只解藍葉爲末盡經所說盡矣藍一本而有數色刮竹青綠雲碧青藍黃空非青出於藍而青於藍者也生葉汁解藥毒即大葉藍又非蓼藍也葉藍即堪擣汁染翠碧花成長穗細淺紅色

絡石



絡石 味苦溫微寒無毒主風熱死肌癰傷口

乾舌焦癰腫不消喉舌腫不通水漿不下大驚入腹除邪氣養腎主腰龍痛堅筋骨利關節久服輕身明目潤澤好顏色不老延年通神一名石鱧一名石躄一名略石一名明石

一名領石一名懸石生太山川谷或石山之陰或高山巖石上或生人間正月採杜仲牡丹為之使惡鐵落畏貝母菖蒲

圖經曰絡石生太山川谷或石山之陰或高山巖石上或生人間今在處有之官寺及

人家亭園山石間種以為飾葉圓如細橘正青冬夏不凋其莖蔓延莖節著處即生根鬚包絡石以此得名又云薜荔治瘡癰歲項寓宜興縣張渚鎮有一老舉人聚村學年七十餘忽一日患發背村中無他

醫藥急取薜荔葉爛研汁和蜜飲數升以其滓傳瘡上後以他藥傳貼遂愈醫者云其本蓋得薜荔之力乃知圖經所載不妄陶隱居云不識此藥仙俗方法都無用者或云是石類既云或生人間則非石猶如

石斛等繫石以為名爾

陳藏器云絡石煮汁服之主一切風變白宜老在石者良在木者隨木有功生山之陰南薜荔相似更有木蓮石血地錦等十餘種藤並是其類大略皆主風血暖腰脚

變白不衰若呼石血為絡石殊誤爾石血葉尖一頭赤絡石葉圓正青地錦味甘溫無毒主破老血產後血結婦人瘦損不能飲食腹中有塊淋瀝不盡赤白帶下天行心悶並煎服之

唐本註云此物生陰濕乾處冬夏常青實黑而丸其莖蔓延繞樹石側若在石間者葉細厚而丸短繞樹生者葉大而薄以其包絡石木而生故名絡石

雷公云凡採得後用麤布拭葉上莖蔓上毛了用熱甘草水浸一伏時出切日乾任用外臺秘要方治喉痺咽喉寒喘息不通須史欲絕神驗以絡石草二兩水一升煎取三大盞去滓細細喫須臾即通

薜荔 味辛溫無毒主欬逆定驚氣辟邪惡除

蠱毒鬼疰去三蟲久服通神主身中老風頭中久風風眩一名薜蕪一名注薜荔薜荔也生雍州川澤及宛旬四月五月採葉暴乾圖經曰薜荔說文已具芎藭條下

陶隱居云今出歷陽處亦有人家多種之葉似蛇牀而香騷人借以為譬方藥用甚稀唐本注云此有二種一種似芹葉一種似蛇牀香氣相似用亦不殊爾

禹錫云按爾雅云蕪薜荔蕪注香草葉小如菱狀疏引郭云如菱篤之狀廣志曰薜荔香草魏武帝以藏衣中郭璞贊曰薜荔香草亂之蛇牀不隕其貴自烈以芳

薜荔 味酸溫微寒無毒主癰疽惡瘡結肉跌筋敗瘡熱氣陰蝕不瘳利關節久服輕身益氣根止洩痢腹痛五藏客熱除邪逆氣疽癰諸惡瘡金瘡傷捷生肉復肌一名牆微一名牆麻一名牛棘一名牛勒一名薜薜一名山

棘生零陵川谷及蜀郡八月九月採陰乾

藥性論云薔薇使味苦子治頭瘡白禿使

五臟客熱

陶隱居云營實即是薔薇子以白花者為

良根亦可煮釀酒莖葉亦可煮作飲

日華子云白薔薇根味苦溢冷無毒治熱

毒風癰疽惡瘡牙齒痛治邪氣通血經止

赤白痢腸風瀉血惡瘡疥癬小兒疳風肚

痛野白者用良

雷公云今薔薇也凡採得去根并用麤布

拭黃毛了用刀於槐砧上細剉用漿水拌

令濕蒸一宿至明出日乾用

禹錫云按蜀本圖經云即薔薇也葛洪治

金方用薔薇灰末一方寸七日三服之

外臺祕要方治鯁及刺不出薔薇根末水

服方寸七日三服

千金方治癰腫發背及癰節已潰爛疼痛

薔薇殼更炙熨之即愈○又方治小兒疳

痢行數累多生薔薇根洗淨切以適多少

濃煎汁稍稍飲之差

肘後方治口瘡以根避風打去土煮濃汁
溫含冷易聖惠方同

圖經衍義本草卷之十

父三

子九

正一天師清微弟子 洪百堅 製作

道教學術資訊網站

圖經衍義本草卷之十一

父四

宋通直郎辨驗藥材寇宗奭編撰

宋太醫助教辨驗藥材許洪校正

草部上品之下

天名精

天名精



天名精味甘寒無毒主瘕血血瘕欲死下血

止血利小便除小蟲去痺除胃中結熱止煩

渴逐水大吐下久服輕身耐老一名麥句薑

一名蝦蟇藍一名承首一名天門精一名工

門精一名彘顛一名蟾蜍蘭一名覲生平原

澤五月採垣衣為之使